

Visoki predstavnik produžio mandat Komisije za reformu odbrane

Visoki predstavnik, Paddy Ashdown, danas je produžio mandat Komisije za reformu odbrane do 31. decembra 2005.

Dana 16. decembra ove godine visoki predstavnik je najavio da će Komisija za reformu odbrane BiH nadgledati sljedeću fazu odbrambene reforme. Uloga Komisije biće da razmotri i predloži zakonske i institucionalne mjere potrebne za prijenos ovlasti entitetskih ministarstava odbrane na državni nivo, za jačanje komande i kontrole na državnom nivou, te za unapređenje saradnje sa haškim tribunalom.

U toku svog mandata u 2005. godini Komisijom za reformu odbrane zajedno će kopredsjedavati ministar odbrane BiH i predstavnik NATO štaba u Sarajevu. Komisija će se sastojati od predsjedavajućeg i zamjenika predsjedavajućeg Zajedničke komisije za sigurnost i odbranu Parlamentarne skupštine BiH, ministara odbrane oba entiteta, te predstavnika OSCE-a, NATO-a i EUFOR-a.